

„თქვენი მართლმადიდებლობა უკეთესი წმინდანის სახლის ყოველგვარი საჩივრისა...
სადა უნდა დასწავლით, იგი ყველგან სწავლობს... ყოველი
სახლიდან, რადგან ჩვენს ქვეყანაში თუ სხვა
ქვეყანაში, ნაწილ-ნაწილად არ
დაყოფილია, არამედ ერთი და
მთლიანობა ატარებს იქნის.“

სობის მოამბე

№2 (7038) 31 იანვარი, შაბათი,
2015 წელი.
ზასი 70 თეთრი.

სობის ენციკლოპედიის გახეტი

ტელეკომპანია „იმედის“ ეთერში 2015 წლის 28
იანვარს გადაცემულ ბიძინა ივანიშვილის
მასკალუზური ინტერვიუს ძირითადი ასკვებები



ტელეკომპანია „იმედის“ ინტერვიუში, ივანიშვილი მის მიერ ქვეყნის არაფორმალურ მართვასთან დაკავშირებით გამოთქმულ მოსაზრებებს გამოეხმაურა და აღნიშნა, რომ მსგავსი განცხადებების ავტორებს რჩევა და მართვა ერთმანეთში ერევათ.

„მე ერთხელ უკვე ვუბასხუე მათ და ვუბასხუე მეორედაც თუ არ ეყოთ, რამეთუ მართვის ბერკეტი არ გამაჩნია... რა აბნევთ მათ? აბნევთ ის, რომ ვერ გაუგიათ რას ნიშნავს რჩევა და ვერ გაუგიათ ის ნდობა, რაც მე მაქვს საზოგადოებისგან. სხვათაშორის, ის, რომ მე საზოგადოების ჭარბი თუ ზედმეტი ნდობა მაქვს, ჩემით მაქვს მოპოვებული და ის არც ალასანიას და არც მარგველაშვილს არ უჩუქებიათ.“

„თუ საზოგადოება მოახერხებს მართვას, ხელისუფლება ისეთი იქნება, როგორც საზოგადოებას სურს“

მთავრობის ყოფილი თავმჯდომარე ბიძინა ივანიშვილი ვერ ხედავს საფრთხეს, რომ „ირაკლი ღარიბაშვილს რამე ეშუქებოდეს“.

„ნახეთ როგორი ღირსეული და დროული იყო ჭიკაბიძის გადადგომა. უკვე დაფუძნდა სხვა ღირებულებები, სხვანაირი მთავრობა მოვიდა. გაიხსენეთ ხედე-ლიძის გადადგომა, კირვალიძის გადადგომა. მთავრობამ გაიგო, რომ საზოგადოებას უნდა უსმინოს. სხვა სტანდარტების მთავრობაა დღეს. მე ვერ ვხედავ ვერაფერს არაა იყო აქტიურობის საფუძველს, რაც მედიაში ისმის - ხან ღარიბაშვილს ესმის თავს, ხან მთავრობის სხვა წევრებს, როგორ ახერხებენ მიკვირს, მსგავსი არავითარი წარმოდგენა არ გამაჩნია. მთავრობის შეცვლის აუცილებლობას ან მით უმეტეს, ღარიბაშვილს რამე ეშუქებოდეს, ვერ ვხედავ“, - განაცხადა ივანიშვილმა.

...ყოფილი პრემიერის თქმით, მისთვის გაუგებარია, რას ერჩიან მთავრობას და რა უნდათ?! რა ფუჭდება, ამის მიხედვით უნდა გადაკრიტიკოთ მთავრობა. ავიღოთ გინდათ ენერგეტიკის სამინისტრო, გინდათ ეკონომიკის, ფინანსთა სამინისტროები, გინდათ ცალკე აღებული პრემიერი. რას უნდა აკეთებდეს და ვერ აკეთებს?! რეალობიდან უნდა გავაკეთოთ ანალიზი“, - აღნიშნა ყოფილმა პრემიერმა.

რაც შეეხება პარლამენტს, ივანიშვილი ვადაძვალს საპარლამენტო არჩევნებს არ ელის, თუმცა, მისი თქმით, გამორიცხულიც არაა.

ექს-პრემიერ მინისტრს არც მოქმედი პრემიერ-მინისტრი ღარიბაშვილი დაუტოვებია კრიტიკის გარეშე.

„პრემიერზე ვიტყვი განსაკუთრებით, რომელსაც მე დავეუბნე ჩემი თანამდებობა. მისთვის რამდენჯერმე მაქვს ნათქვამი - შენი პრობლემა იქნება შენი ნათესავები და დაცვა და საზოგადოება არ გააღიზიანო არც ერთით და არც მეორით. დაცვა ძალიან აქტურობს და პრინციპში, დღესაც პრობლემა მაქვს, ბიჭებს ყოველ დღე ვახსენებ, რომ უფრო დინჯად მოიქცენ“, - აღნიშნა ივანიშვილმა.

ყოფილი პრემიერის თქმით, ირაკლი ღარიბაშვილისთვის ერთ-ერთი გამოწვევა იყო ნათესავებიც.

მარგველაშვილის მისამართით ივანიშვილის შენიშვნები არავის უკვირს, მაგრამ დღეს პრეზიდენტმა კიდევ ერთი, ახალი შენიშვნა მიიღო.

„უზენაესი სასამართლოს თავმჯდომარის საკითხზე არ მაქვს და არც უნდა მქონდეს მოსაზრება. პრინციპულად არ ვერევი ამ პროცესში. ეს პრეზიდენტის პრეროგატივაა, მან უნდა დაასახელოს. ზედმეტად წევს თამასას პრეზიდენტი ისევე. შემოძლია ახალი შენიშვნა მივცე, რომ მიეჩვივა და დააფუძნა ტერმინი „ქვეყნის პირველი პირი“. საზოგადოებაც, მთელი მედია ამას იმეორებს. ეს შინაარსში უნდა გადაიტანოს. ფორმალურად მართლა ასე იწოდება - სახელმწიფოს მეთაური, მაგრამ კონსტიტუციით, მას რეალურად აღარ აქვს საპრეზიდენტო რეპუბლიკის მქონე პრეზიდენტის უფლებები, თუმცა ცდილობს შინაარსში გადაიყვანოს ეს და ძალიან მაღლა წევს თემებს“, - განაცხადა ივანიშვილმა.

რად მართლა ასე იწოდება - სახელმწიფოს მეთაური, მაგრამ კონსტიტუციით, მას რეალურად აღარ აქვს საპრეზიდენტო რეპუბლიკის მქონე პრეზიდენტის უფლებები, თუმცა ცდილობს შინაარსში გადაიყვანოს ეს და ძალიან მაღლა წევს თემებს“, - განაცხადა ივანიშვილმა.

ივანიშვილის თქმით, მკვლევარები ამერიკაშიც ხდება, საფრანგეთშიც, გერმანიაში და სხვა ქვეყნებშიც.

„კი მაგრამ, სად გვაქვს საფუძველი, რომ კრიმინალის ზრდაზე ვისაუბროთ?! მოხდა მკვლელობები, ეს კატასტროფაა და ცუდია, თუმცა, ასეთი შემთხვევები მომავალშიც მოხდება (სანამ ადამიანის ხასიათი არ შეიცვლება)“.

ექსპრემიერი შინაგან საქმეთა სამინისტროს მიერ გამოქვეყნებულ დანაშაულის სტატისტიკასაც აფასებს და მიიჩნევს, რომ არავითარი საფუძველი არ არსებობს, რომ საზოგადოება ამ მონაცემებს არ ენდოს.

„ჩვენ შეგვიძლია დავსვათ კითხვა: პოლიცია დღეს უფრო სუსტია, ვიდრე ადრე? სამართალდამცველების მიერ გამოქვეყნებული სტატისტიკა დაუჯერებელია? მდგომარეობა გაუარესდა და საქართველო კატასტროფისკენ მიექანება? არავითარი საფუძველი არ არსებობს დღეს, რომ, მაგალითად, თქვენ არ ენდოთ შს-ს სტატისტიკას. ვასაგებია, რომ ივლისი დანაშაულის კუთხით ცუდი იყო, მაგრამ წინა წლებთან შედარებით მაინც კლება დაფიქსირებული. ზუსტად „ნაციონალურმა მოძრაობამ“ დაგვება ეს (თემის აუტიტრება), „ასწია“ „რუსთავი 2“-მა და სხვა ტელევიზიებიც ამ

„ეს წელი მაინცდამაინც დალხენილი არ იქნება“-ლარიბაშვილის მწარე ხიმაართლე ივანიშვილის განცხადებების შემდეგ

ეს წელი მაინცდამაინც დალხენილი არ იქნება და ჩვენ კიდევ უფრო გაათმაგებული მობილიზებით უნდა შევხვდეთ გამოწვევებს. ამის შესახებ პრემიერ-მინისტრმა ირაკლი ღარიბაშვილმა მთავრობის სხდომაზე განაცხადა.



პრემიერმა აღნიშნა იმ ნეგატიური პროცესების შესახებ, რომელიც მსოფლიოში მიმდინარეობს და მთავრობის წევრებს მეტი მობილიზებისკენ მოუწოდა. ამასთან, ირაკლი ღარიბაშვილმა ეკონომიკურ გუნდს მიმართა, რომ ყოველი თვის დასაწყისში მთავრობის სხდომაზე წარმოადგინონ ანგარიში იმის თაობაზე, თუ როგორ სრულდება ბიუჯეტი.

2

კონკურსის შესაფერისი ახალი დამთავრდა

სობის მუნიციპალიტეტის საკრებულოს სხდომაზე დარბაზში მიმდინარეობდა სობის მუნიციპალიტეტის გამგეობისა და საკრებულოს აპარატის



მოხელეთა ვაკანტური თანამდებობების დასაკავებლად გამოცხადებული საჯარო კონკურსების შესახებ ეტაპი-გასაუბრება. ადგილობრივი თვითმმართველობის მოხელეთა საკონკურსო-საატესტაციო მუდმივმოქმედი კომისია, რომელიც შვიდი წევრისგან შედგება კონკურსანტებს 24 იანვრიდან 1 თებერვლის ჩათვლით გაესაუბრება. კონკურსის შესაფერისი ეტაპზე სულ 177 კანდიდატი იყო დასაშვები.

ფერხულში არიან ჩაბმული. არადა, მთავრობის დამოკიდებულება არ შეცვლილა - შს სამინისტრო და პოლიცია ზრუნავენ ადამიანების დაცვაზე, თითქმის ყველა მკვლელობის საქმე გასწავლია... სიცრუის მანქანა დღესაც მუშაობს. „ნაციონალური მოძრაობის“ წევრი, თუ არ ვცდები ვაფარბე, თურმე მესამე დღეა წერილით მომხმარებავს (პირველი ორი მე „საუბელუროდ“ არ მინახავს). წერილში წერს, რომ თანა დროზე, პოლიტპატიმრები რომ გამოუშვებს ციხიდან, თურმე ჯერ მაშინ მიკითხავდა ლექციებს, რომ ეს არ შეიძლება. საუბრობს ციხიდან გამოსულ 17 ათას პატიმარზე. მათ ამით იმის გამართლება უნდათ, რომ 17 000 კაცი უკანონოდ ჰყავდათ დაპატიმრებული...“, - განაცხადა ბიძინა ივანიშვილმა.

ივანიშვილის განცხადებით, „ნაციონალური მოძრაობის“ არ აძლევს ხელს საქართველოს მთავრობის დაბალანსებული პოლიტიკა უკრაინის მოვლენებთან მიმართებაში და მათი ხელი-სუფლები ყოფის შემთხვევაში, არაა გამორიცხული, უკრაინის ომში საქართველოც ჩართულიყო.

„ღმერთმა ნუ ქნას, რომ ის გაგრძელდეს, რაც ხდება უკრაინაში. მე დიდი იმედი მაქვს, რომ უახლოეს დროში დალაგდება და დარეგულირდება ყველაფერი. რა თქმა უნდა, საშინელებაა, რაც უკრაინაში ხდება. ჩვენ, ყველანი და მე პირადად მხარს ვუჭერთ ჩვენს მეზობელ ქვეყნას, უკრაინას, ვისურვებდი, სწრაფად დამყარდეს იქ მშვიდობა და უკრაინა ჩვენთან ერთად გახდეს ევროკავშირის წევრი. რაც შეეხება იმას, ადგილობრივად შეაფასა თუ არა საქართველოს მთავრობამ უკრაინის მოვლენები. ჩემი აზრით, აბსოლუტურად ნორმალურად შეაფასეს.“

დაუეუზავი პინის ფლორასს გადასახადი გაეზრდათ?!

„ეს ნელი მინდამინდ დალხენილი არ იქნება“-ღარიბაშვილის მწარე ხიმართლე ივანიშვილის განცხადებების შემდეგ



„ჩვენ გვაქვს კომუნიკაცია ყოველი თვის ბოლოს, მაგრამ მე მინდა, რომ კიდევ ერთხელ ეს საკითხი დავაფიქსიროთ, ვიცი, რომ გიორგი კვირიკაშვილის ხელმძღვანელობით შექმნილია სამუშაო ჯგუფები, თვითონ გადიხართ ხარჯვით ნაწილს, ყველგან ეფექტურად უნდა დავხარჯოთ და დიდი მობილიზება უნდა მოვახდინოთ ჩვენი სამინისტროების. ეს წელი არ იქნება მაინცდამაინც დალხენილი წელი, გამოდინარე იქედან, რომ მსოფლიოში გარკვეული ნეგატიური პროცესები მიმდინარეობს. ამიტომ ჩვენ კიდევ უფრო გაათმაგებელი მობილიზებით უნდა შევხვდეთ ამ გამოწვევებს“.

ამასთან, იმ შემთხვევაში, თუ რომელიმე უწყება არგუმენტების გარეშე ვერ მოახდენს თანხების ათვისებას, ან ეფექტურად გახარჯვას, პრემიერ-მინისტრი გამოდის ინიციატივით, ეს თანხები მიმართული იქნას სარეზერვო ფონდში და გამოიყენონ სხვა უწყებებისთვის და სხვა მიმართულებით მიზნობრივად.

პრემიერმა ფინანსთა მინისტრ ნოდარ ხადურისგან მოისმინა ინფორმაცია, თუ როგორ სრულდება მიმდინარე წლის ბიუჯეტი.

„ანუ ორი დღის განმავლობაში გეგმის შესასრულებლად ჩვენ გვჭირდება 21 მილიონი ლარი.“

საშუალოდ დღეში 30 მილიონ ლარამდე გადასახადები შემოდის. თავისთავად ცხადია, რომ ეს აღემატება შარშანდელ მონაცემებსაც, - განაცხადა ნოდარ ხადურმა.

ამასთან, ხადური იზიარებს პრემიერის მოსაზრებას იმასთან დაკავშირებით, რომ წელს ძალიან დაბალი წელი გვექნება და აქ საუბარია ზოგადად ეკონომიურ მდგომარეობაზე მსოფლიოში და არა მარტო საქართველოში. თუმცა, ფინანსთა მინისტრის თქმით, შემოსავლების სამსახური ყველაფერს აკეთებს და ყოველგვარი ზედმეტი ხელის გადაგრეხვის პოლიტიკის გარეშე ბიუჯეტი სრულდება და შესრულდება. ამასთან, ნოდარ ხადურმა მზადყოფნა გამოთქვა, რომ ყოველი თვის დასაწყისში მთავრობის პირველივე სხდომაზე სამინისტროების ხარჯვითი პოლიტიკის შესრულებაზე ანგარიში წარმოადგინოს.



თებერვლიდან მცირემიწიან ფერმერებს დაურიგებენ ბარათებს, რომელთა საშუალებითაც ისინი სავარგულების დამუშავებას უფასოდ შეძლებენ. ამით დასრულდება სამეტაპიანი სამთავრობო პროგრამა, რომელიც მცირემიწიანი ფერმერების ხელშეწყობას ისახავდა მიზნად. ამის შემდეგ მთავრობა სოფლის მეურნეობის განვითარების ახალ ეტაპზე გადავა, რომლის ფარგლებშიც დაუშვებელი ფართობების მფლობელებს, შესაძლოა, გადასახადები გაეზარდოს.

ოთარ დანელია, საქართველოს სოფლის მეურნეობის მინისტრი: „მცირემიწიანი ფერმერების საგაზაფხულო სამუშაოების ხელშეწყობის პროექტში მონაწილეობას 800 ათასი ბენეფიციარი მიიღებს. მათ, ისევე, როგორც გასულ ორ ეტაპზე, ხვნის ბარათები და აგრობარათები გადაეცემათ, რისთვისაც დაახლოებით 60 მილიონი ლარია გათვალისწინებული.“



ხვნის ბარათით 1 ჰა ფართობზე 140 ლარია გათვალისწინებული, აგრობარათზე დარიცხული ქულები კი 50 ლარის ეკვივალენტურია. ამით დასრულდება მცირემიწიან ფერმერთა ხელშეწყობის სამწლიანი პროგრამა. ამ პროგრამის დამსახურებაა, რომ გლეხს დაუბრუნდა მუშაობის სტიმული და ორ-სამჯერ მეტი ფართობები დამუშავდა. ფაქტობრივად, სავარგულები მიტოვებული იყო, რადგან გლეხს ამისთვის არც ფინანსური რესურსი ჰქონდა და არც ტექნიკური საშუალებები. ეს ყველაფერი ხელმისაწვდომი გახდა პროგრამის ამოქმედების შემდეგ, შედეგად, საქართველოში დაახლოებით 400 ათასი ჰექტარი მიწა დამუშავდა, მაგრამ ახლა იმ დანარჩენ 350 ათას ჰექტარს უნდა მივხედოთ, რომელიც სხვადასხვა მიზეზით მაინც არ მუშავდება. ფაქტობრივად, ეს მიძინებული რესურსია და სწორედ ეს გარემოება გახდა ერთ-ერთი მიზეზი, რის გამოც ფიქრი დავიწყეთ, როგორ შე ვძლოთ დაუშვებელი ფართობების ათვისება.

ეს არ შეეხება მცირემიწიან გლეხებსა და ფერმერებს, ვისაც 5 ჰექტრამდე ფართობი აქვს. საუბარია მიწის გაცილებით

ვრცელ მასივებზე, რომლებიც დარგისთვის კრიტიკულად მნიშვნელოვანია და მიზეზთა გამო დაუშვებელია.

ჩვენ დეტალურად გავანალიზეთ, რა მაჩვენებლები, პოტენციური გვაქვს სოფლის მეურნეობაში, იმპორტ-ექსპორტის ბალანსის შესაძლებლობები, ს ა ს უ რ ს ა თ ო

უსაფრთხოების კომპონენტები და ამ კალათაში შემავალი პროდუქტები და სხვ. თუმცა, ამ ყველაფრის სისრულეში მოყვანა მიწის დაუშვებლად, ფაქტობრივად, შეუძლებელია. მესამე წელია მიწის დამუშავების ხელშეწყობის პროგრამას ვახორციელებთ და მაინც, ფართობების მესამედი დამუშავებული არ არის. ამიტომ მიწის დამუშავება უნდა წავახალისოთ.

ანუ სანქციები, ჯარიმები დაეკისრება მას, ვინც მიწას არ დაამუშავებს?

— არსებობს საერთაშორისო პრაქტიკა, მათ შორის ევროპის ქვეყნებში საკმაოდ ეფექტურად მუშაობს ასეთი წამახალისებელი მიდგომები: ვინც ამუშავებს მიწას, ნაკლებ გადასახადს იხდის, ვინც არ ამუშავებს - მეტს.

თანაბარ პირობებში არ უნდა იყოს ის მოქალაქე, ვინც სავარგულებს ეკონომიკური საქმიანობისთვის იყენებს და ის, ვისაც შესაძლოა, ნანახი არ ჰქონდეს საკუთარი მიწა. ჩვენ შევთავაზებთ მათ, ან დაამუშაონ სავარგულები, ან იჯარით გასცენ, ანდა, სულ ცოტა, მოვლილ აგრარულ მდგომარეობაში ჰქონდეთ, რომ მომიჯნავე ნაკვეთები არ დააზიანონ. რა თქმა უნდა, იმასაც გავითვალისწინებთ, რომ შესაძლოა ტექნოლოგია ითხოვს მიწის დასვენებას ერთ-ორი წლით და ამის მონიტორინგი ძალიან მარტივია.

ფიქრობთ, რომ მცირემიწიან ფერმერთა ხელშეწყობის სამწლიანი პროგრამა საქმარისი იყო იმისთვის, რომ ამიერიდან თავად დაამუშაონ მიწა და აწარმოონ სასოფლო-სამეურნეო პროდუქცია?

— ყოველი წლის შეჯამებისას განვიხილავთ, რა შეიძლება გა-

კეოლეს მცირემიწიანი ფერმერების ხელშეწყობისთვის. ერთ-ერთი ასეთი მნიშვნელოვანი საკითხი კოოპერაცია და მიწის ფართობების გაერთიანებაა, რათა სოფლის მეურნეობის პროდუქტების წარმოება უფრო რენტაბელური გახდეს. სხვადასხვა ეტაპზე ჩვენ შეიძლება ამა თუ იმ სამთავრობო პროგრამას რაღაც კომპონენტი მოვაკლოთ, მაგრამ ვამატებთ სხვა მიმართულებით. უკვე ამოქმედდა აგროდაზღვევა, ვერგავთ სეტყვა-საწინააღმდეგო სისტემას, გვაქვს სხვა პროექტებიც. მაგალითად, დავიწყებთ სამაცივრე და სასაწყობე მეურნეობების სტიმულირებას, რათა შესაძლებელი იქნეს პროდუქციის დასაწყობება და დანაკარგი მინიმუმამდე დავიღწიოთ. დღეს სასოფლო-სამეურნეო პროდუქციის არასწორად შენახვის გამო პროდუქციის დაახლოებით 30%-ს ვკარგავთ.

რა შედეგებით დაბრუნდით ბერლინიდან, სადაც საქართველო მონაწილეობდა საერთაშორისო გამოფენაში „მწვანე კვირეული 2015“?

— უპირველესად ველოდებით თანამშრომლობის გაღრმავებას. მაგალითად, ახლა ქართული კივი გადის ევროპაში, საქმიანი მოლაპარაკება გვაქვს თაფლისა და თევზის გატანის თაობაზე. ევროპის ბაზარზე დიდია მოთხოვნა ქართულ ყველზე და ახლა ტექნიკურ საკითხებზე ვმუშაობთ. ბერლინში პირველი ღვინის გალერეა გავხსენით. ძალიან დიდი მოწონება დაიმსახურა ქართულმა პავილიონმა გამოფენაზე, რომელსაც დაახლოებით 500 ათასი სტუმარი დაესწრო. გერმანულმა მხარემ შემოგვთავაზა, მომავალი „მწვანე კვირეულის“ ფარგლებში, მათი პარტნიორი ქვეყანა გავხდეთ. ასეთი მასშტაბის ღონისძიებები საუკეთესო საშუალებაა ჩვენი მეწარმეების პროდუქციის წარმოსახენად.

ბაზეთი „პშირის პალიტრა“ იხეხდება მცირემიწიანი ფერმერებთან

სკოლაში მხოლოდ ექვსი წლის ბავშვებს მიიღებენ



2014-2015 წელს კანონში იყო დაშვება, რომლის თანახმადაც სკოლაში შეიძლებოდა შესულიყვნენ ბავშვები, რომელთაც 6 წელი იანვრამდე უსრულდებოდათ, ან გავლი-

ლი ჰქონდათ მოსამზადებელი საფეხური და მათი ასაკი აღემატებოდა 5 წელს. 2015-2016 წლიდან კი სკოლაში მხოლოდ 6 წლის ბავშვები შევლენ.

„ზოგადი განათლების შესახებ კანონის მიხედვით სწავლის დაწყების მომენტი სათვის ბავშვის ასაკი 6 წელი უნდა იყოს“, - განათლების სამინისტროს განათლების მართვისა და დეპარტამენტის უფროსის ნინო კვიციანიშვილის განმარტებით, ცვლილებები არ განხორციელებულა.

განათლების სამინისტროში განმარტავენ, რომ სასწავლო წლის დაწყებისთვის ბავშვი ექვსი წლის უნდა იყოს და გამოწვევის არ დაიშვება ეს ვრცელდება როგორც საჯარო, ისე კერძო სკოლებზე.

ჩვენს მუნიციპალიტეტში

ქალაქში წყალმომარაგების სისტემა მთლიანად შეიხველება



ქ. სობში სასმელი წყლით მომარაგება წლების განმავლობაში მოუწესრიგებელი იყო. გასული წლის ბოლოს საქართველოს რეგიონალური განვითარებისა და ინფრასტრუქტურის სამინისტრომ „მუნიციპალური განვითარების ფონდისა“ და „გაერთიანებული წყალმომარაგების კომპანიასთან“ ერთად დაიწყო წყლის მიწების რეაბილიტაციის სამუშაოები.

—წელს შესრულდება 2 მილიონ 749 ათასი ლარის ღირებულების სამუშაოები, ქალაქში არსებული წყალმომარაგების

სისტემის 80 პროცენტი ახლით შეიცვლება გვითხრა შპს „საქართველოს გაერთიანებული წყალმომარაგების სობის სერვისცენტრის“ მენეჯერმა ბატონმა ხვიჩა კაკაბაძემ. გორგასლისა და ბარათაშვილის ქუჩებზე ეს სამუშაოები თითქმის დამთავრებულია.

ამჟამად სამუშაოები 26 მაისის, გუბაზ მეფის ქუჩებსა და პირველ გურიელში მიმდინარებს.

ამ პროექტის დამთავრების შემდეგ ქ. სობის წყალმომარაგების საკითხი გადაწყვეტილი იქნება.



ასფალტ-ბეტონის დაგება ბრკელაში

გასულ წელს ტენდერში გამარჯვებული შპს. „შარა გზამ-შენი პირველი“ გზის ასფალტ-ბეტონის საფარის დაგების სამუშაოებს ასრულებს გორგასლისა და ბარათაშვილის ქუჩებზე. ბარათაშვილის ქუჩაზე ეს სამუშაოები 2 კმ-ზე უკვე დასრულებულია.



გორგასლის ქუჩაზე 3,1 კმ-ზე კი ამჟამად გაგრძელდება, აქედან 900 მეტრზე ბეტონი დაიგება.

განსაკუთრებული ყურადღება ექცევა სამუშაოების შესრულების ხარისხს.

ამასწინათ რეგიონალური განვითარებისა და ინფრასტრუქტურის მინისტრის პირველმა მოადგილემ გიორგი ამაშუკელმა, რომელსაც თან ახლდნენ სამეგრელო-ზემო სვანეთის მხარის რწმუნებული ლევან შონია, სობის მუნიციპალიტეტის გამგებელი გორჩა ქაჯაია, გამგებლის მოადგილე ვარაზ, გაბედავა საკრებულოს თავმჯდომარე ედიშერ ჯობავა, გამგებლის ინფრასტრუქტურის, ურბანული განვითარებისა და არქიტექტურის სამსახურის უფროსი ზაზა ბუკია და სხვები, მიმდინარე სამუშაოები დაათვალიერეს. ითქვა, რომ ეს სამუშაოები პირველ მარტამდე უნდა დამთავრდეს.

მერი ლავილიაძე

საკრებულოს სხდომის ანგარიში

23 იანვარს სობის მუნიციპალიტეტის საკრებულოს სხდომათა დარბაზში გაიმართა საკრებულოს მორიგი სხდომა, რომელსაც უძღვებოდა საკრებულოს თავმჯდომარე ედიშერ ჯობავა. სხდომას ესწრებოდნენ: გამგებელი გორჩა ქაჯაია, საკრებულოს, გამგებლისა და ადგილობრივი თვითმმართველობის ხელმძღვანელები.

დღის წესრიგის დამტკიცების შემდეგ სხდომაზე განხილულ და მიღებულიქნა „სობის მუნიციპალიტეტის ავტოსატრანსპორტო საშუალებების მოძრაობის რეგულირების შესახებ“ დადგენილებების პროექტი, რომლის მიხედვითაც სობის მუნიციპალიტეტის ხეთის ადმინისტრაციული ერთეულის ტერიტორიაზე „პაპანწყვირის“ ტბასთან გზაზე (გზის დასაწყისი-თბილისი-სენაკი-ლესელიძის საავტომობილო გზის გადაკვეთასთან და გზის დასასრულში—„პაპანწყვირის“ ტბასთან შესასვლელი გზის გადაკვეთაზე) განთავსდება 2 ცალი ამკრძალავი საგზაო ნიშანი 3.11. „მასის შეზღუდვა“ (მინიმუმით „ 8 ტონა) და დაევალი სობის მუნიციპალიტეტის გამგებობას ამ დადგენილებით გათვალისწინებული საგზაო ნიშნების განთავსებისთვის აუცილებელი ღონისძიებების გატარება 30 დღის ვადაში.

შემდეგ საკითხად სხდომაზე განხილულ და მიღებულიქნა განკარგულება „სობის მუნიციპალიტეტის 2015 წლის ადგილობრივი შესყიდვების გეგმის დამტკიცების შესახებ“ ასევე განხილულიქნა „სობის მუნიციპალიტეტის 2015 წლის ადგილობრივი ბიუჯეტით გათვალისწინებული საბიუჯეტო ასიგნების განწერის დასამტკიცებლად სობის მუნიციპალიტეტის გამგებლისთვის თანხმობის მიცემის შესახებ“ განკარგულების პროექტი და საკრებულოს განკარგულებით მიეცა თანხმობა სობის მუნიციპალიტეტის გამგებელს სობის მუნიციპალიტეტის 2015 წლის ადგილობრივი ბიუჯეტით გათვალისწინებული საბიუჯეტო ასიგნების კვარტალური განწერის თაობაზე.

საკრებულოს განკარგულებით ასევე მიეცა თანხმობა სობის მუნიციპალიტეტის გამგებელს მუნიციპალიტეტის საკუთრებაში არსებული მოძრავი ქონების საქართველოს შინაგან საქმეთა სამინისტროსთვის სარგებლობის



უფლების გადაცემაზე. სხდომაზე ბოლო საკითხად მოსმენილიქნა საკრებულოს თავმჯდომარის ედიშერ ჯობავას ინფორმაცია სობის მუნიციპალიტეტის 2012–2013 წლების ფინანსური და საფინანსო-სამეურნეო საქმიანობის შესაბამისობის აუდიტის ანგარიშის თაობაზე.

საკრებულოს თავმჯდომარე ედიშერ ჯობავამ, საკრებულოს წევრებს, დღის წესრიგით გათვალისწინებულ სხვადასხვა საკითხების ფორმატში წარუდგინა ინფორმაცია სოფლის მეურნეობაში განხორციელებული პროექტების შესახებ, რომლებიც სტიმულის მიმცემია გლეხების ფერმერებისა და სოფლის მეურნეობის დარგში ჩართული მეწარმეებისთვის.

დღის წესრიგით გათვალისწინებული საკითხების განხილვის შემდეგ სხდომა დასრულად გამოცხადდა.

სობის მეორე სასწრაფო დახმარების მანქანა გადასცეს



საქართველოს შრომის, ჯანმრთელობისა და სოციალური დაცვის სამინისტრო მთელი ქვეყნის მასშტაბით აგრძელებს სასწრაფო დახმარების ცენტრის ავტოპარკის სასწრაფო-სამედიცინო წესით აღჭურვილი ავტომობილებით განაზღვრებას. 13 იანვარს სობის მუნიციპალიტეტს გადაეცა „Ford“-ის მარკის ავტომობილი, ამჟამად სობის სასწრაფო დახმარების ცენტრს „ემსახურება „ახალი, „volswagen“-ის და Ford-ის მარკის ავტომობილი. სასწრაფო დახმარების ავტოპარკი ქვეყნის მასშტაბით მთლიანად განაზღვრება 180 მაღალი გამავლობის ავტომობილით.

საეპროლტოს 4 ქალაქში უფასო საექსპლუატაციო კონსულტაციები ჩატარდა



22-23 იანვარს ზუგდიდის რეფერალური ჰოსპიტალის ინიციატივით და „სამედიცინო კორპორაცია ევექსის“ ორგანიზებით სობის, ჩხოროწყუს, წალენჯიხის რაიონულ ჰოსპიტალებსა და ფოთის ამბულატორიულ კლინიკაში მოსახლეობას უფასო სამედიცინო კონსულტაციები ჩატარდა.

ადგილობრივ მოსახლეობაში კარდიოლოგიური პროფილის პაციენტებს ადგილზე კონსულტაციები „ზუგდიდის რეფერალური ჰოსპიტალის“ წამყვანმა კარდიოლოგებმა 23 იანვარს სობის რაიონული ჰოსპიტალში ჩატარეს.

სობის მუნიციპალიტეტის საკრებულოს ინფორმაციები

ინტერვიუ

ბატონო რევაზ! ჯერ კიდევ ადრეული წლებიდან ჩვენი გაზეთის ქომაგი ბრძანდებით. რედაქციელებმა თქვენთან საუკეთესო სურვილები დამაბარეს, მინდა გულწრფელად წარმატებები, ჯანის სიმართლე, უღვივი სიხარული გისურვოთ.

მუნიციპალიტეტის მოსახლეობა კარგად გიცნობთ, რადგან წლების განმავლობაში იყავით ხელმძღვანელ სამუშაოებზე. როგორ მოიგონებთ თქვენს მიერ განვლილ წლებს, რას იტყვით ოჯახზე, შვილებზე, რა მიგაჩნიათ ყველაზე დიდ ბედნიერებად და ადამიანის უპირველეს დანიშნულებად?

—დიდი მადლობა მინდა გადაგიხადოთ მოლოცვისთვის, მეც როგორც მუნიციპალიტეტის გაზეთის ერთ-ერთმა დიდმა გულშემმატკივარმა, მსურს ცოტა დაგვიანებით მოგილოცოთ უკვე დამდგარი შობა-ახალი წელი. ეს წელი ყოფილიყოს თქვენი პატარა კოლექტივისთვის წარმატებული, მეოთხე ხელი-სუფლების რანგში მუნიციპალიტეტის განვითარებაში თქვენი ღირსეული დედაწლი შეგეტანოს.

მუნიციპალიტეტის მოსახლეობა მართლაც საკმაოდ მიცნობს, რადგან სამ ათეულ წელზე მეტი პედაგოგიიდან დაწყებული სხვადასხვა საპასუხისმგებლო თანამდებობებზე მიმუშავებია. ჩემი ყოველი თანამდებობა თავისი სპეციფიკით ერთმანეთისგან განსხვავდებოდა, მაგრამ საერთოდ ჰქონდა—მუდამ ჩემი ხალხის სამსახურში ვიყავი.

მიუხედავად ჩემი მუშაობის გარკვეულ პერიოდში არსებული სიმძიმეებისა, განსაკუთრებით ეს ეხება 90-იან წლებში ქვეყანაში არსებულ ურთულეს მდგომარეობას, ჩემს მიერ განვლილ გზას, დიდი სიამოვნებით ვიხსენებ, რადგან ამ წლების განმავლობაში მე გავხდი ჩვენი მუნიციპალიტეტის ისტორიის განუყოფელი ნაწილი.

რაც შეეხება ჩემს ოჯახს, მყავს შესანიშნავი მეუღლე, ვაჟიშვილი, რომელსაც ქალაქში „ბუბუს“ სახელით იცნობენ, რძალი და ჩვენი ოჯახის ცხოვრებაში ახალი სტიმულის შემომტანი საყვარელი შვილიშვილები რეზი და ლიზი.

ალბათ, დიდი ბედნიერებაა, როცა ხალხს უყვარხარ მათთვის გაწეული ამავის გამო და ამავდროულად გყავს ოჯახი, რომლითაც შეგიძლია იამაყო.

ადამიანის უპირველეს მოვალეობად მიმაჩნია სამშობლოსა და მოყვასის სიყვარული, უანგარო მადლისა და სიკეთის კეთება.

ვცადეთ, მაგრამ გვერდი ვერ ავუარეთ განვლილ სამსახურებრივ გზას. სად გრძნობდით თავს ლაღად?

—ნებისმიერი ადამიანი თავს ლაღად გრძნობს, როცა მის

ცხოვრებაში თავისუფლების ხარისხი მაღალია, როცა მეტი დამოუკიდებელი მოქმედების საშუალება გააჩნია. აქედან გამომდინარე, მე დიდი სიამოვნებით ვიხსენებ იმ წლებს, როცა ჩემმა მშობლიურმა სოფელმა ნოჯიხევმა. პატივი დამლო და სამჯერ ამირჩია სოფლის გამგებლად, ხუთჯერ კი მუნიციპალიტეტის საკრებულოს დეპუტატად. მე სიამაყით ვიხსენებ იმ წლებს, როცა

ეროვნული მოძრაობიდან მოსულ ახალგაზრდას სოფელმა ნდობა გამომიცხადა და ამირჩია სოფლის თავკაცად. ჩვენ ერთად გამოვიარეთ უმძიმესი წლები, სამოქალაქო ომი, მხედრიონის შემოსვლა, უპურობა, უშუქობა, კრიმინალის ზრდა, განუკითხაობა.

—სწორად შეგინიშნავთ. მეც ჩემი თავი შინაგანად თავისუფალი და უკომპლექსო ადამიანი მგონია. იმ წლების განმავლობაში სწორედ ამიტომ ვგრძნობდით თავს არაკომფორტულად არა მარტო მე, არამედ ბევრი ჩემი მეგობარიც, როცა ჩვენი აზრების გამოთქმა მხოლოდ ვიწრო წრეში შეგვეძლო.

რაც შეეხება კითხვას, რამ

ახლო პირადი და სამსახურებრივი ურთიერთობა გააკავშირებთ მასთან, როგორ შეაფასებდით მის მოღვაწეობას (რა თქმა უნდა სრულად ვერ ჩამოთვლით) და მის პიროვნულ თვისებებს?

—ეს მართლაც მრავლისმეტყველი ფაქტია. მუნიციპალიტეტის მოსახლეობამ მას ოთხჯერ მისცა პარლამენტის წევრობის

ნომრის სტუმარია
სამართლებელთა
პარლამენტის
მაჟორიტარი
დეპუტატის ბოდერძი
ბუკიას ბიუროს
ხელმძღვანელი
ბატონი
რევაზ ჟულაია



„მუდამ ჩემი ხალხის სამსახურში ვიყავი“

მაგრამ ერთმანეთის გვერდით ვიდებოთ და ყველა გასაჭირი ერთად დავძლიებთ. მინდა ვისარგებლო შემთხვევით და მადლობა გადავუხადო ჩემი სოფლის თითოეულ ოჯახს ამ ერთიანობისთვის.

მახსოვს, მუდმივად თავს არიდებდით ურთიერთობას, თითქოს რაღაცის თქმა გინდოდათ და დროს ელოდით თუ კიდევ „მომლოდინეს“ რეჟიმში ხართ?

—მუდმივად არა, მაგრამ ურთიერთობებთან ურთიერთობაში ვაკუუმში გარკვეული დროით მართლაც იყო. ამას რამდენიმე ახსნა შეიძლება მოეძებნოს. უმთავრესი მაინც იყო ის დრო, როცა ერთს ფიქრობდი, მაგრამ ქვეყანაში და მუნიციპალიტეტში დანერგული მართვის სტილის გამო, მეორე აზრის გამოთქმა გიწვევდა. ეს, რა თქმა უნდა, დისკომფორტს და შინაგანი პროტესტის გრძნობას იწვევდა, ამიტომ ადვილი ასახსენებია ჩემი ნაკლები აქტიურობა მასმედიათან ურთიერთობაში. ამჟამად „დრო“ შეიცვალა, ქვეყანაში დემოკრატიის დონე მაღალია, რაც, ალბათ, ურთიერთობებთან, ჩემს შემდგომ ურთიერთობებში ასახვას პოვებს.

რატომღაც შინაგანად თავისუფალი პიროვნება მგონიხართ, ამან ხომ არ განაპირობა თქვენი არჩევანი—მაჟორიტარი დეპუტატის ბიუროს ხელმძღვანელობა? ბარემ თქვენს მოვალეობებზეც ცოტა რამ გვიტხარით.

განაპირობა მაჟორიტარი დეპუტატის ბიუროს ხელმძღვანელად ჩემი დანიშვნა, ამაზე პასუხის გაცემა მხოლოდ ბატონ გოდერძი ბუკიას შეუძლია. რისთვის მარგუნა ასეთი პატივი და ნდობა მხოლოდ ბატონმა დეპუტატმა იცის, ამისათვის დიდი მადლიერება მინდა გამოვხატო მის მიმართ...

მაჟორიტარი დეპუტატის ბიურო, რომელსაც მე ვხელმძღვანელობ, ამჟამად შედგება ხუთი წევრისაგან: ნინო ცხადაია—მთავარი სპეციალისტი, მაია ყაჯრიშვილი—თანამშემწე, ნინო ლიპარტია—მასმედიასთან და საზოგადოებასთან ურთიერთობის სპეციალისტი, ნინო ჯორჯიკია—ოფისის მენეჯერი.

ბიუროს კოორდინატორ პარლამენტის მაჟორიტარ დეპუტატსა და მუნიციპალიტეტის თვითმმართველობას შორის, მუნიციპალიტეტში არსებულ სხვა სახელმწიფო თუ იურიდიულ პირებთან, მუდმივი კონტაქტი ამომჩრეველთან, მათი პრობლემების შესწავლა და დეპუტატის მეშვეობით მათი დახმარება, როგორც პირადად დეპუტატის მიერ, ასევე სხვადასხვა სამინისტროების დახმარებით, ჩვენ ორგანიზებას ვუწვევთ ბატონი გოდერძი ბუკიას მიერ განხორციელებულ სხვადასხვა საქველმოქმედო ღონისძიებებს.

ბატონო რევაზ! ბატონ გოდერძი ბუკიას ხობის მუნიციპალიტეტის მოსახლეობამ ოთხჯერ გამოუცხადა ნდობა. ეს ფაქტი ბევრ რამეზე მეტყველებს. თქვენ ამჟამად ყველაზე

ნდობის მანდატი, ეს იშვიათი შემთხვევაა, თუმცა ამ ქვეყნად შემთხვევით არაფერი ხდება. მოსახლეობის მხრიდან ასეთი მხარდაჭერა გამოწვეულია ბატონი გოდერძის უნიკალური პირადი თვისებებით, თავისი ხალხის სიყვარულით, ქველმოქმედების კეთების უდიდესი სურვილითა და შესაძლებლობებით.

განსაკუთრებით აღსანიშნავია მისი როლი მუნიციპალიტეტისა, და არამარტო მუნიციპალიტეტის, სულიერი აღორძინების საქმეში. მის მიერ განხორციელებული პროექტების ჩამოთვლას არ დავიწყებ, რადგან ძალიან შორს წავიყვანს, იგი ძირითადად განათლებასა და სულიერ აღორძინებას ეხება, ამისთვის ფონდიც კი დაარსა, საიდან დავიწყო? იმის იმედით, რომ ხალხს არაფერი ავიწყდება და ოთხჯერ მანდატის გაცემაც ამის დასტურია, განხორციელებული პროექტების ჩამოთვლას არ გავაგრძელებ. განსაკუთრებით გამოვიყოფდი ორს—მეგრული სიმღერის ხობის საერთაშორისო ფესტივალს და სოფელ პირველ მაისში აშენებულ სამონასტრო კომპლექსს, რომელიც ამავდროულად პატრიარქის რეზიდენციაც არის. რითაც ბატონმა გოდერძიმ თავის საზოგადოებრივ მოღვაწეობას გვირგვინი დაადგა.

წელს საფესტივალო წელიწადია. მზადება როდის დაიწყება, დრო დადგენილია? —ფესტივალისთვის მზადება უკვე დაწყებულია. ახალი მეგრული სიმღერების დასაწერად

გამოცხადებულია კონკურსი, მიმდინარეობს კონკურსანტებისა და სიმღერების შერჩევა. როგორც ბატონი გოდერძი გვირგვინი, ფესტივალი, რომელიც ჩვეულებრივად სექტემბერის ბოლოს ჩატარდება, განსაკუთრებული და ორიგინალური იქნება.

ძალიან ვეცადე (მადლობა თქვენც ასეთი თავშეკავებისთვის) ბატონ გოდერძი ბუკიას პიარი არ გამოვსვლოდა, რადგან მას ეს არც სჭირდება და არც მოსწონს, მაგრამ ორიოდ სიტყვით მითხარით რა იქნება მომავალში. წელს დეპუტატის ხელდასმულ საქმეთაგან რას უნდა ელოდეს მოსახლეობა?

—მართალი ბრძანდებით, ბატონი გოდერძის მართლაც არ უყვარს ზედმეტი პიარი. მისი პრინციპია „საქმემან შენმან გამოგაჩინოს.“

ბატონი გოდერძი ძალიან აქტიურად არის ჩართული მუნიციპალიტეტის ინფრასტრუქტურულ და სხვადასხვა პროექტების განხორციელებაში. მისი ძალისხმევით განხორციელდა საჯიჯაო-ჩხოროწყუს შემაერთებელი გზის მოსაფალტება, ასევე ბიუჯეტში ჩასმულია და მოხდება ზუბი-ძველი ხიბულის შემაერთებელ გზაზე ასფალტის საფარის დაგება, სოფელ ქვემო ქვალონში საჯარო სკოლის მშენებლობა.

ბატონი გოდერძი ასევე აქტიურად არის ჩართული მთავრობის მიერ გამოცხადებული „წარმოე საქართველოში“ პროგრამის განხორციელებაში. ამ პროგრამის ფარგლებში წელს მუნიციპალიტეტში აშენდება რამდენიმე ახალი საწარმო, მათ შორის აღსანიშნავია ნოჯიხევის მიმდებარე ტერიტორიაზე სიმინდის ზეთის გადამამუშავებელი და ქატოს ქარხნები, აგრეთვე შუა ხორგაში მეფრინველობისა და მეცხოველეობის კომპლექსის მშენებლობა. აღნიშნულ საწარმოებში წლის ბოლომდე ორასამდე ადამიანი დასაქმდება.

კითხვა, რომელიც გამომჩნია...

—რა თვისება უნდა გააჩნდეს ხალხის სამსახურში მყოფ ადამიანს?

მე ვიტყვოდი, ადამიანები, განსაკუთრებით მაღალი რანგის მოხელეები, რომლებიც მუშაობენ საჯარო სამსახურებში და ხალხთან აქვთ ურთიერთობა, უნდა იყვნენ ობიექტურნი, წინა პლანზე დააყენონ პროფესიონალიზმი, ადამიანური ურთიერთობები, მოერიდონ ერთმანეთის მიმართ არასამართლიან წყენინებას მინდა მოვუწოდო ყველას, გვიყვარდეს და პატივი ვცეთ ერთმანეთს. მე მჯერა, რომ სიყვარული გადაარჩენს, გააძლიერებს და გაამთლიანებს საქართველოს.

ისაუბრა მერი ლაზვილაშა.

ივრძაძე ნასაიოხი



იმედა ცარციძე-გამგებლის წარმომადგენელი ახალი სოფლის ადმინისტრაციულ ერთეულში...

იმედა ცარციძის ტექსტი თავდაპირველად ჩვენს გაზეთში იბეჭდებოდა, შემდეგ სხვადასხვა ჟურნალ-საქარტველო...

ამჯერად, გაზეთის მკითხველებს ვთავაზობთ იმედა ცარციძის ტექსტს.

სიზიფა

მძიმეა განცდა, როს ხსოვნაში ჩაიძირება. ეჰ, ამ ცხოვრებას რას გაუგებ, ჩემო სიზიფევ...

იღვა

იღვა: საოცრად მშვიდი და წყნარი დრო წაიღებდა სიჩუმეს ვიდრე და სანთლის შუქის ცისფერი ალი...

„ქართლის ცხოვრების“ დღეაზო

„ქართლის ცხოვრების“ დღეაზო, ფიქრებს ქროლავით რომ აიკლებთ, ვაიმე, საით გეძებოთ...

„ქართლის ცხოვრების“ დღეაზო, ფიქრებს ქროლავით რომ აიკლებთ, ვაიმე, საით გეძებოთ...

მაჯაზა

დღე გაცვდა, ვით ჩრდილი ფრთავაშლილ არწივის, ქარი ჯი, რატომღაც, თუკი კვლავ არ წივის...

სახლი ბბის ჰირას მთვარიან ღამეში

ტბას მიჰყვებოდა ბილიკი მთვარის და ტბასთან ახლოს ქვის სახლი იდგა...

სახლი

ანვით მინდვრებს და გაქოლგილებს ანვით ხეხილებს, ვზივარ ხის ქვეშ და თითხე ვითვლი...

ღადას

შენ თმაში თეთრად ანთია ჩემი ბავშვობის ფურცელი. მე, ყოველ დღით, განთიადს შენი თვალებით ვუცქერი...

საააააა

I ბილიკს მიჰყვებოდა მთა-გორების, ქალაქს გადახედა მალეობიდან...

II

ცხენი გაქუსლა, ხმაღმა მზუზე კვლავაც იელვა, სპარსთა გაუძლვა...

III

მალე დაივიწყა ყველა მომდურავი, ქართლში შემობრძანდა დიდი მოურავი...

IV

ღვას მეჩვიდმეტე საუკუნე ქალაქ ჰალაბში, შემოდგომა და უეცარი რისხვა ალაჰის...

მუსიაა

ყოველ საღამოს, სვედიანი როდესაც ვფიქრობ, ვილაც აწვალეხს ჰიანინოს მოგონიო კლავიშებს...

სონეტი

ნუ დაგიმონებს წუთისოფლის ამაოება, ბედთან ჭიდილში გაატარე ყოველი წუთი...

ინფორმაცია — „საქართველო“ — ანალიზი

დავამარცხოთ „C“ ჰეპატიტი

ჯანდაცვის სისტემაში რეფორმები კვლავაც გრძელდება... ამჯერად ძალზე საყურადღებო გახდა საქართველოს ჯანდაცვის მინისტრის ბატონ დავით სერგეიენკოს ახალი ინიციატივა, სლოგანით — „საქართველო „C“ ჰეპატიტის გარეშე“, რასაც დიდი რეზონანსი მოჰყვა, როგორც ამ სენით დაავადებულთა, ასევე საქართველოში მცხოვრებ თითოეულ მოქალაქეებს შორის.

იმედია, ეს ინიციატივა მრავალ ადამიანს გადაარჩენს!...

გთავაზობთ ა(ა)იპ „სობის მუნიციპალიტეტის საზოგადოებრივი ჯანდაცვის ცენტრის“ დირექტორის ქალბატონ შორენა საბახტარაშვილის წერილს „C“ ჰეპატიტის დაავადების შესახებ.

—ჰეპატიტს იწვევს ვირუსი, რომელიც უპირატესად ღვიძლს აზიანებს. ბუნებრივი მიმდინარეობის დროს დაავადება იწვევს მწვავედ და შემდგომ ქრონიკულ ფორმაში გადადის.

ინფექციის წყაროს წარმოადგენს მწვავე და ქრონიკული ჰეპატიტით დაავადებული ადამიანი. ვირუსი გადაეცემა სისხლით და სისხლის პროდუქტებით.

ამჟამად ქვეყანაში მოქმედებს „C“ ჰეპატიტის მკურნალობის სახელმწიფო პროგრამა, რომელიც მთლიანად ვერ მოიცავს

ყველა დაავადებულს. მაგრამ 2015 წლის თებერვლიდან საქართველოს მთავრობის გადაწყვეტილებით „C“ ჰეპატიტით დაავადებულებისთვის ახალი პროგრამა ამოქმედდება, რომელიც ყველა პაციენტს შეეხება.

ჯანდაცვის ცენტრის მიერ სამუშაო გეგმის შესაბამისად, სკოლამდელი და სასკოლო ასაკის, საზოგადოებრივი მნიშვნელობის დაწესებულებების სანიტარულ-ჰიგიენური მდგომარეობის მონიტორინგი ტარდებოდა, რომლის დროსაც მათი თანამშრომლებისთვის ტარდებოდა ლექცია-

საუბრები „C“ ჰეპატიტის პრევენციისთვის გასატარებელ ღონისძიებებზე, განსაკუთრებული ყურადღება ექცეოდა „C“ ჰეპატიტის გამომწვევ მიზეზებს და გადაცემის გზებს.

„C“ ჰეპატიტის ლაბორატორიული დიაგნოსტიკა სობის რაიონულ საავადმყოფოში მარტივი, სწრაფი ტესტ-სისტემით ხდება. ვინაიდან საავადმყოფოში არ ფუნქციონირებს ინფექციური კაბინეტი. დაავადების აღრიცხვა და სტატისტიკური მონაცემების შეგროვება ხდება ჯანდაცვის პირველადი რგოლებიდან და სხვადასხვა სამედიცინო დაწესებულებებიდან შემოსული შეტყობინებების საფუძველზე.

„C“ ჰეპატიტით დაავადებული პაციენტის სრულყოფილი ლაბორატორიული გამოკვლევა ქუთაისის და თბილისის სპეციფიკურ ლაბორატორიებში წარმოებს.

ზემოთხსენებულისა და გამოდინარე, ძალიან მნიშვნელოვანია მუნიციპალიტეტის მოსახლეობას კიდევ ერთხელ მივაწოდოთ ინფორმაცია დაავადების გამომწვევი მიზეზებისა და გადაცემის გზების, პრევენციის, დიაგნოსტიკისა და მკურნალობის შესახებ.

ადამიანი ინფიცირდება დაბინძურებული ნემსის


შემთხვევითი ჩხვლეტისას, საერთო სამართებლის, სისხლიანი ბაშის გამოყენებისას, სხეულის სხვადასხვა ნაწილში, სამკაულების ჩამაგრებისას, სქესობრივი კონტაქტისას.

ჰეპატიტის გადაცემის გზებიდან გამომდინარე, ყველაზე ხშირად ავადდებიან:

ინტრავენური ნარკომანები და მათი სქესობრივი პარტნიორები, შეუმოწმებელი სისხლისა და სისხლის პროდუქტების გადასხმის შემთხვევაში, აკუპუნქტურის დროს, გაუსტერი-ლებელი ინსტრუმენტებით კოსმეტოლოგიური მანიპულაციების შემთხვევაში (პედიკური, მანიკური, ტატუირება). ყველა ის შემთხვევა, როდესაც ვირუსით დაბინძურებული სისხლი ერევა მეორე ადამიანის სისხლს. „C“ ჰეპატიტით დაავადების რისკი მაღალია არა მარტო ინტრავენური ნარკომანიის დროს, არამედ კოკაინის შესუნთქვის დროსაც.

არ უნდა გამოვიყენოთ სხვისი კბილის ჯაგრისი, პირის საპარსი, რადგან ამ ნივთებზე სისხლის ნაწილაკების არსებობის ალბათობა დიდია.

ვირუსი არ გადადის ძუძუთი კვების დროს, კოლოს ნაკბენით, არ გადაეცემა ხველებით, დაცემინებით, ჭურჭლით, საკვებითა და წყლით, დაავადება არ გა-



დადის საერთო პირსახოცი, კონცით.

„C“ ჰეპატიტის კლინიკური სიმტომებია: კანისა და ღორწონის გარისის გაყვითლება, დალილობის შეგრძნება, უმადობა, ცხიმოვანი საკვების შეძულება, ცხელება, ოფლიანობა, გულისრევა, ზოგჯერ ღებინება, ტკივილი მუცლის არეში, წონაში დაკლება, გონების დაბინდვა, არასრულფასოვანი ძილი, ათრიტები.

აღნიშნული ჩივილები ზოგადად ღვიძლის სხვა დაავადებებსაც ახასიათებს, ამიტომ დაავადების გამოვლენის ერთადერთი საშუალება სისხლის ლაბორატორიული ანალიზია.

„C“ ჰეპატიტის მკურნალება საკმაოდ ხანგრძლივი და ძვირადღირებული პროცესია. სწორედ ამიტომ, ძალიან მნიშვნელოვანია დაავადებული ადამიანებისთვის უფასო მკურნალობა, რომელსაც ითვალისწინებს „C“ ჰეპატიტის მკურნალობის შესახებ სახელმწიფო პროგრამის არსებობა და მოქმედება.

ჯანდაცვის ცენტრი ახორციელებს პრევენციულ და ეპიდემიოლოგიურ ღონისძიებებს როგორც სამუშაო გეგმის შესაბამისად, ასევე ეპიდემიოლოგიური საშიშროებისას. ცენტრის მუშაობაში ერთ-ერთი მთავარი პრიორიტეტია იმუნისაცია მართვადი დაავადებების მიმართ. იმუნისაცია ტარდება მრავალი დაავადების წინააღმდეგ. ესენია: „ბ“ ჰეპატიტი, ტუბერკულოზი, ყვიანხველა, დიფტერია, ტეტანუსი, წითელა, ყბა-ყურა, როტავირუსული და პნევმოკოკური ინფექციები, პოლიომიელიტი და სხვა. ცენტრის მიერ სისტემატურად ტარდება ყოველთვიური მონიტორინგი ჯან-

„2012 წელს ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2012 წლის 15 მარტის №92 დადგენილებით, დამტკიცებული ტუბერკულოზის მართვის სახელმწიფო პროგრამის ფარგლებში, ჯანდაცვის ცენტრის მიერ ჩატარდა ტუბერკულოზის მგბ+ფორმით დაავადებული ადამიანების კერების ეპიდკვლევა, კონტაქტირებული ადამიანების სკრინინგული გამოკვლევა ტუბერკულოზზე.

2013 წელს ადგილი ჰქონდა ტუბერკულოზის მგბ+ფორმის ფორმით ადამიანთა დაავადების 19 შემთხვევას, 2014 წელს 16 შემთხვევას. როგორც ზემოთხსენებულისა და ჩანს, ადგილი აქვს სამი ერთეულით დაავადების კლება. თითოეულ კერაში პაციენტთან და მათი ოჯახის წევრებთან ჩატარებულია საუბარი ტუბერკულოზის პროფილაქტიკის შესახებ. ჯანდაცვის ცენტრი აგრეთვე ახორციელებს ტუბერკულოზით დაავადებული ცხელებიდან განთავისუფლებული პაციენტების და შეწყვეტილი მკურნალობის მქონე პაციენტების ეპიდზედატორული ტესტირების შედეგად სტანდარტული მკურნალობის გაგრძელების უზრუნველსაყოფად და სამოქალაქო სექტორში დაავადების ტრანსმისიის (გავრცელების) რისკის შესამცირებლად.

ჯანდაცვის ცენტრის მიერ 2014 წლის ოქტომბერში ჩატარდა მუნიციპალიტეტის საგანმანათლებლო, სააღმშრდელო დაწესებულებების მონიტორინგი სანიტარულ-ჰიგიენური ნორმების დაცვის შესახებ. ზემოთხსენებულ დაწესებულებებში ცხოვრების ჯანსაღი წესის და უნარ-ჩვევების დამკვიდრების, მკვნი ჩვევათა კორექციისა და მოსახლეობის ჯანმრთელობის ხელშეწყობის მიზნით ჩატარებული იყო საუბრები პირადი ჰიგიენის წესების დაცვის, ჯანსაღი კვების, პროფილაქტიკური აცრების მნიშვნელობისა და აუცილებლობის შესახებ.

სტატისტიკური მონაცემებით, 2014 წელს 2013 წელთან შედარებით, ადგილი ჰქონდა ინფექციური დაავადებების კლების ტენდენციას. 2015 წლის დასაწყისში, თებერვალ-მარტის თვეში მოსალოდნელია ზემო-სასუნთქი გზების დაავადებების და გრიპის მცირედით მატება.

ჯუმბერ ტურაბაძე,
სობის მუნიციპალიტეტის საზოგადოებრივი ჯანდაცვის ცენტრის დირექტორის მოადგილე-ექიმ-პროფილაქტიკოსი.

ინფექციური დაავადებების პროფილაქტიკა



დაცვის პირველად რგოლებზე პროფილაქტიკური აცრების ეროვნული კალენდრით განსაზღვრულ იმუნისაციის ხარისხზე და მოცულობაზე. 2014 წლის მონაცემებით, მუნიციპალიტეტის მასშტაბით ჩატარდა 0-დან

15 წლამდე ბავშვთა გეგმიური ვაქცინაცია. აცრებით მოცვის მოცულობა საკმაოდ მაღალია.

მუნიციპალიტეტის მასშტაბით მართვადი და არამართვადი დაავადებების გავრცელების მხრივ არის სტაბილური და დამაკმაყოფილებელი მდგომარეობა. ასევე ადგილი არ ჰქონია განსაკუთრებით საშიში დაავადებების—ცოფის, ჯილეხის, დიფტერიის, ტეტანუსის და სხვათა არცერთ შემთხვევას.

2013 წელს „ქ. თბილისში წითელას მასიური გავრცელების პრევენციის მიზნით გასატარებელი ღონისძიებების შესახებ“ საქართველოს მთავრობის 2013 წლის 13 მარტის №221 განკარგულების და „საქართველოში წითელას მასიური გავრცელების პრევენციის მიზნით გასატარებელი ღონისძიებების შესახებ“ საქართველოს მთავრობის 2013 წლის 28 მარტის №273 განკარგულების შესაბამისად, ცენტრის მიერ ჩატარდა აუცრელი და არასრულად აცრილ ბავშვთა კონტაქტის დაზუსტება და მათი აცრა წითელა-წითურას, ყბა-ყურას საწინააღმდეგოდ. ჩატარებული ღონისძიებების შედეგად იკლო მოსახლეობის წითელათი დაავადების რაოდენობა.

სსსმკა სუტუ (ხარიტონ) გადელია

უკვე 10 წელი გავიდა, რაც ჩვენგან წახვედი, დატოვე შენი საყვარელი ოჯახი, შვილები, შვილიშვილები, შვილთაშვილები, მაგრამ ჩვენ არასოდეს დაგივიწყებთ, რადგან შენი დავიწყებია, შენ ღირსეულად მოიხადე ცხოვრების ვალი, დატოვე დიდი ოჯახი. ჩვენ ბევრი ვისწავლეთ შენგან და მუდამ ვიცხოვრებთ ისე, როგორც გვასწავლიდი.



რაც დრო გადის, მონატრება უფრო ძლიერდება. მონატრებაზე ძნელი, სიკვდილზე შემზარავი ამ ქვეყნად არაფერი ყოფილა. ჩვენ ღმერთს ვევედრებით შენს სახელზე დანთებულმა სანთლებმა სამუდამო სასუფეველში გზა გაგინათოს. მსუბუქი იყოს შენს გულზედ დაყრილი მიწა.

უზომოდ გვაკლია შენი კეთილი გული, სულით მდიდარი, სიყვარულით სავსე ადამიანი იყავი, შენს სახელს დავიწყება არ უწყრია.

წახვედი ჩვენგან, მაგრამ დატოვე კაცური კაცის სახელი, შენნაირი ადამიანები გარდაცვალებიდან ღიღანს ცხოვრობენ. ყოველი წლის 28 იანვარს შენს გასახსენებლად ყველანი შენს საფლავთან ვიკრიბებით.

გვიყვარხარ, გვენატრები!
შვილები, შვილიშვილები, შვილთაშვილები, რძლები, სძიებები.

სობის №2 საბავშვო ბაგა-ბაღის კოლექტივი იუწყება ყოფილი თანამშრომლის **ლამზირა კაკაულია-ყოლბაიას** გარდაცვალებას და სამძიმარს უცხადებს განსვენებულის ოჯახს.

ახსიონი

დანართი №1

სობის მუნიციპალიტეტის გამგეობა აცხადებს განმეორებით აუქციონს №1 დანართის შესაბამისად.

| № | ქონების დასახელება | სარეგისტრაციო ნომერი | გამოშვების წელი | ფერი | ტიპი | გასაყიდი ფასი | „ბე“ 10% | „ბიჯი“ | ბილეთის ფასი | შემოსულობების სახაზინო კოდი |
|---|--------------------------|----------------------|-----------------|-----------|----------|---------------|----------|--------|--------------|-----------------------------|
| 1 | „მანქანა „ფორდ მონდო L8“ | NAA 876 | 1994 | ლურჯი | პეტნბეკი | 762 | 76,20 | 76,20 | 20 | 300403332 |
| 2 | რენო-მეგანი | MCM-514 | 1997 | ლურჯი 7/8 | | 1024 | 102,40 | 102,40 | 20 | 300403332 |

განცხადების მიღების ადგილია ქ. სობი ც. დალიანის ქუჩა №189, სობის მუნიციპალიტეტის გამგეობა, ეკონომიკისა და ინფრასტრუქტურის განვითარების სამსახური.
განცხადების მიღების ვადა გახეობა ინფორმაციის გამოქვეყნებიდან აუქციონის ჩატარების დღემდე 10-00 საათიდან 18-00 საათამდე (შაბათ-კვირის გარდა), ხოლო აუქციონის ჩატარების დღეს 10-00 საათიდან 14-00 საათამდე.
აუქციონის ჩატარების თარიღია 2015 წლის 17 თებერვალი 15-00 სთ.
საბანკო რეკვიზიტები:ერთიანი ანგარიში არასაგადასახადო-200122900, მძილები ბანკი -სახელმწიფო ხაზინა, ბანკის კოდი -

220101222.
აუქციონის ფორმით ქონების პრივატიზებისას გამყიდველის და მყიდველის მიერ ხელმოწერილ აუქციონში გამარჯვების დამადასტურებელი ოქმი არის წერილობითი ხელშეკრულება, გამარჯვებული პირის მიერ აუქციონში გამარჯვებისას დამადასტურებელ ოქმზე ხელის მოწერაზე უარის თქმა ართმევის მას გამარჯვებულის სტატუსს.
აუქციონში გამარჯვებული ვალდებულია აუქციონის ჩატარებიდან საქართველოს კანონით განსაზღვრულ ვადაში გამგეობასთან გააფორმოს ხელშეკრულება აგრეთვე აუქციონის შედეგების ოქმის დამტკიცების მომენტიდან 30 დღის განმავლობაში დაფაროს მის მიერ აუქ-

ციონზე დასახელებული საბოლოო თანხა, წინამდებ შემთხვევაში მყიდველს არ მიეცემა საკუთრების უფლება და „ბე“-ს შენატანი არ დაუბრუნდება, აუქციონის შედეგები გაუქმდება.
აუქციონში მონაწილეობის მისაღებად რეგისტრატორს უნდა წარედგინოს შემდეგი დოკუმენტები:
ა) დამტკიცებული ფორმის მიხედვით შევსებული განაცხადი (მიიღებთ გამგეობაში);
ბ) „ბე“-ს და მონაწილის ბილეთის ფასის შენატანის დამადასტურებელი საბანკო ქვითარი;
გ) პირადობის მოწმობის ასლი;
დ) იურიდიული პირები დამატებით წარმოადგენენ ნოტარიულად დამოწმებულ სადამფუძნებლო დოკუმენტის ასლს;
ე) ნოტარიულად დამოწმებული მინდობილობა, თუ მყიდველი მოქმედებს სხვა პირის სახელით.
სააუქციონო კომისიის ზონარეგულირებაში განაცხადის რეგისტრაციის მომენტიდან განმცხადებელი იძენს აუქციონში მონაწილის სტატუსს. აუქციონში გამარჯვებული გამგეობის კრიტერიუმია საწყისი გასაყიდი ფასზე ბიჯის დანამატის შედეგად მაქსიმალური ფასის გადახდა.
ქონების შესახებ დამატებითი ინფორმაციის მიღება შესაძლებელია სობის მუნიციპალიტეტის გამგეობის ეკონომიკისა და ინფრასტრუქტურის განვითარების სამსახურში.
სობის მუნიციპალიტეტის გამგეობა

გვწერენ

სიკეთე არ იკარგება

შ.პ.ს. შავი ზღვის ტერმინალის გენერალურ დირექტორს ბატონ კარიმ გულიევს
ბატონო კარიმ!
თქვენ უკვე ტრადიციულ აქციით გაჭირვებული და უნუგემო ადამიანებისადმი თანადგომა. ყოველთვის, როგორც კი საშუალება მოეცემო, მხარში უდგახართ მათ, ზრუნავთ მათზე. ასე გრძელდება წლიდან წლამდე. ასე მოხდა წელსაც, თქვენ ერთი დღე გაულამაზეთ სობის სათნოების სახლის 120 ბენეფიციარს, მხარში ამოუდგეით, აგრძობინეთ, რომ ქვეყნად არსებობენ კეთილი საქმის მკეთებელი ადამიანები, რომლებსაც არ ავიწყლებათ გაჭირვებაში, უნუგემო მდგომარეობაში მყოფი ადამიანები.
ეს ის ადამიანები არიან, რომელთაც უკიდურესად ცუდი სოციალური პირობები გააჩნიათ, ვფიქრობთ, რომ ისინი ცხოვრებამ არ დაინდო, მათ შორის არიან შეღამკვლარი დედები და მცირეწლოვანი ბავშვები, რომლებსთვისაც მცირე დახმარებასაც კი დიდი მნიშვნელობა აქვს, როგორც მატერიალურად, ასევე სულიერად.
გვიხარია, რომ საქართველოში არსებობენ ადამიანები, რომლებიც სულ მუდამ სიკეთის ქმნაში არიან.
დიდი მადლობა მხარდაჭერისათვის.
ბენეფიციართა სახელით
საიმონიძის სახლის აღმინისტრაცი.

ინკლუზიური განათლება – პერსპექტივა და გამოწვევები

ბოლო წლებში განსაკუთრებული საჭიროების მქონე (გსმ) ბავშვების განათლების სფეროში მრავალი ცვლილება მოხდა. დროთა განმავლობაში დაიხვეწა, დამოკიდებულებები და შეხედულებები ამ პირების მიმართ.
ეს ცვლილებებია:
• ბავშვების განვითარების და მათი პრობლემების, საჭიროებების და შესაბამისი სწავლების ფორმის გაცნობიერების დონე;
• მრავალფეროვნების აღიარება და დაფასება, როგორც დემოკრატიის განვითარების თანმდევი პროცესი.
ყველაზე მნიშვნელოვანი, რაც ამ ცვლილებებს მოყვა, არის ის, რომ მოხდა მრავალფეროვნების აღიარება, დაფასება და ნორმად მიღება. ბავშვები შეიძლება იყვნენ განსხვავებულნი მრავალი მიზეზის გამო (სოციალური, რელიგიური, ეთნიკური, ჯანმრთელობასთან დაკავშირებული, კულტურული, ეკონომიკური მდგომარეობასთან დაკავშირებული).
განსხვავებულობა ხშირად ხდება როგორც პირდაპირი, ისე არაპირდაპირი წინაპირობა, განსაზღვრებული ფაქტორი იმ სიმძლელებისა, რომლებსაც ბავშვები აწვდიან სწავლის, განვითარების და საზოგადოებრივ საქმიანობებში აქტიური ჩართვის პროცესში. ამ შემთხვევაში, პრობლემების გამოწვევებზე მიზეზად გვევლინება გარემო, რომელსაც არ ძალუძს ამ ბავშვების განსაკუთრებული საჭიროებების დაკმაყოფილება.
საქველმოქმედო ორგანიზაციებმა, ასევე რელიგიურმა ჯგუფებმა, დროთა განმავლობაში გახსნეს სპეციალური თავშესაფრები როგორც შეზღუდული შესაძლებლობის მქონე ბავშვებისთვის, ისე ზრდასრულებისთვის. სკოლა-ინტერნატებსა და სხვადასხვა ტიპის თავშესაფრებში არ-

სებულ მდგომარეობაზე მრავალჯერ დააკვირებამ აჩვენა, რომ ასეთ დაწესებულებებში მყოფ ბავშვებსა და მოზრდილებს უვითარდებათ გააუცხოებული ადამიანისთვის დამახასიათებელი ქცევები, ხდებიან პასიურები, მიმართავენ თვითსტიმულაციას, ახასიათებთ სტერეოტიპული, განმეორებადი და საკუთარი თავისთვის ზიანის მომტანი ქმედებები.
ზემოთ ჩამოთვლილ პრობლემებს არაერთი საერთაშორისო კონფერენცია და სხდომა მიემდგვნა. დეკლარაცია, რომელსაც ეყრდნობა ინკლუზიის ძირითადი უფლებები და დებულებები არის სალამანკას დეკლარაცია (UNESCO, 1994), რომელიც მოიცავს შემდეგ პუნქტებს:
• ყველა ბავშვს აქვს უფლება ისწავლოს ინკლუზიურ კლასში;
• ყველა ბავშვი უფლებამოსილია მონაწილეობა მიიღოს ბავშვებზე ორიენტირებულ საგანმანათლებლო პროცესში, რათა მოხდეს მისი ინდივიდუალური საჭიროებების დაკმაყოფილება;
• ინკლუზიური განათლების უზრუნველყოფა და ხელშეწყობა სათანადო პირობებით უზრუნველყოფს მასში ჩართულ ბავშვებს;
• ინკლუზიური განათლება განაპირობებს ინკლუზიური საზოგადოების ჩამოყალიბებას.
მიუხედავად დახვეწილი საკანონმდებლო სივრცისა, ინკლუზიურ განათლებაში არსებული პრობლემები ისევ პრობლემად რჩება. სირთულეებთან გამკლავება უფრო კომ-

პლექსური პროცესია და მისი სწორი მიმართულებით წარმართვის აუცილებელ პირობებს წარმოადგენს:
• შშმ პირთა მიმართ დამოკიდებულების შეცვლა;
• გარემოს შეცვლა, შეფასების, სწავლების ფორმებისა და კლასის მართვის სტრატეგიების შეცვლა;
• მოსწავლის სკოლაში სიარულის მიზნების რეორიენტაცია;
• მასწავლებლის როლისა და ადამინური რესურსების განსაზღვრა ინკლუზიის პროცესში;
• აკადემიური პერსონალისთვის, განსაკუთრებით კი მასწავლებლებისთვის პროფესიული დახმარების აღმოჩენა.
მოსწავლის შესაძლებლობების მრავალმხრივი განვითარებისთვის, საქართველოს საგანმანათლებლო სისტემამ შეიმუშავა განათლების მარეგულირებელი დოკუმენტი – ეროვნული სასწავლო გეგმა. აღნიშნულ დოკუმენტში განსაზღვრულია მოსწავლეთათვის აუცილებელი მიღწევები, ცოდნა და უნარ-ჩვევები, რომელთაც ისინი თანმიმდევრულად უნდა ეუფლებოდნენ ყოველი სასწავლო წლის განმავლობაში.
იმისათვის, რომ სპეციალური საგანმანათლებლო საჭიროების მქონე მოსწავლემ ეროვნული სასწავლო გეგმის შედეგებს მიაღწიოს (თუნდაც ნაწილობრივ), მნიშვნელოვანია სასწავლო პროცესი მოსწავლის თავისებურების გათვალისწინებით დაიგეგმოს და მოსწავლისთვის მისაღწევი სასწავლო შედეგები ინდივი-

დუალურად განისაზღვროს. შედეგად ყალიბდება ინდივიდუალური სასწავლო გეგმა, რომელიც წარმოადგენს მოსწავლის სპეციალურ საგანმანათლებლო საჭიროებაზე მორგებულ დოკუმენტს, რომელიც ადგენს სასწავლო მიზნებს და მათი მიღწევის გზებს. დგება საკითხი, რამდენად მიზანშეწონილია მოსწავლე ხელმძღვანელობდეს ეროვნული სასწავლო გეგმის განსხვავებული დოკუმენტით? პირველ ეტაპზე რეკომენდებულია ეროვნული სასწავლო გეგმის აკომოდაცია, რაც მცირეოდენ ცვლილებებს გულისხმობს სწავლების პროცესში, თუმცა შესაძლოა საჭირო გახდეს მიზნების ძირითადი ცვლილებები, რადგანაც მოსწავლე ვერ ძლევეს მისი ასაკისთვის შესაბამისი ამოცანებს. ოპტიმალური გამოსავალია, ბავშვი სარგებლობდეს იმავე წიგნით, რითაც მისი თანაკლასელები, მაგრამ ორიენტირებული იყოს უფრო დაბალი კლასის სასწავლო აქტივობებსა და შედეგებზე. მასწავლებელმა უნდა შეძლოს თანაკლასელების მსგავსი სახელმძღვანელო საგანმანათლებლო საჭიროების მქონე მოსწავლე განსხვავებულ შედეგზე გაიყვანოს.
კითხვარმა „გზა ინკლუზიისკენ – ბარომეტრი“ გამოავლინა რა მიმართებაშია ინკლუზიური განათლების განვითარების მხრივ საქართველო ევროპის სხვა ქვეყნებთან. ინკლუზიური განათლების მხარდამჭერი საკანონმდებლო ბაზის თვალსაზრისით საქართველო გერმანიის მსგავსად ნა-

დაფუძნებელი: სობის მუნიციპალიტეტის საკრებულო.
გამომცემელი შპს „სობის მოამბე“
ბაზემთი ხელმძღვანელოვნ თაზისუფალი პრინის პრინციპებით. ბაზემთი დაზუჰილ მასალის სიხუსტაჰე პასუსისმბეჰეჰია ავტორი.
სარედაქციო კოლეჯია:
თავმჯდომარე შ.პ.ს. „სობის მოამბე“ დირექტორი-მერი ლავგილაჲა,
თავმჯდომარის მოადგილე, დირექტორის მოადგილე-ნანი კილასონია.
რედაქტორი-მანანა შულაია.
ჟურნალისტი-ნინო გერგაია.
კომპიუტერული უზრუნველყოფა-ჯულიეტა ლატარია.
ბაზემთი აუჰჰო როზ ლაჰაჰაჰოფნია შპს „სობის მოამბე“
მის: სობი, ვიხინა ნინოს ქუჩა №1 ტელ: 0 (414) 22-21-13; 22-25-81; 599-50-40-57. ელ. ფოსტა: xobismoambe@mail.ru
დაიზუჰდა შ.პ.ს. ბაზემთიშპს „კოლოფი“. თბილისი, რკინიგზის ჩიხი №20.